

PM-MKB

प्रधानमंत्री नरेन्द्र मोदी होरें अज्ज मन की बात कार्यक्रम राएं लोकें कन्नै अपने बचार सांझा कीते। अपने संबोधन च उनें पहलगाम आतंकी हमले दा जिक्र कीता। इस बारे बोलदे होई उनें आखेआ जे भारत दे लोकें च जेहड़ा आक्रोश ऐ, ओह आक्रोश पूरी दुनिया च ऐं इस आतंकी हमले दे मगरा लगातार दुनिया भरै थमां संवेदना जाहर कीतियां जा'रदियां न। प्रधानमंत्री होरें आखेआ जे 22 अप्रैल गी पहलगाम च होए दे आतंकी हमले नै मुख्य दे हर नागरिक गी दुखी कीता ऐ। पीड़ित परोआरें प्रति हर भारतीय दा डूहंगी ते गैहरी संवेदना ऐ। बेशक ओह कुसै बी राज्य दा होए, कोइ बी भाषा बोलदा हसेए, पर ओह उनें लोकें दा दर्द गी मसूस करा'रदा ऐ, इस हमले च अपने गी गोआया ऐ। प्रधानमंत्री होरें आखेआ जे इस हमले बारे उनेंगी ग्लोबल लीडर आस्सेआ फोन कीते गे, चिट्ठियां लिखियां, सनेह भेजे। इस खतरनाक तरीक कन्नै कीते गेदे आतंकी हमले दी सारें सख्त लफ्जें कन्नै निंदेया होआ'रदी ऐ। उनें मारे गेदे लोकें दे परोआरें आलें प्रति संवेदना जाहर कीतियां। पूरी दुनिया आतंकवाद खलाफ साढ़ी लड़ाई च 140 करोड़ भारतीय कन्ने खड़ोते दा ऐ। उनें पीड़ित परोआरें गी परतियै भरोसा दोआया जे उनेंगी न्याह थोग। न्याह पक्क गै हासल होग। इस हमले दे दोषिएं गी करारा जवाब दित्ता जाग। प्रधानमंत्री होरें अंतरिक्ष शक्ति बारे बी गल्ल कीती। उनें आखेआ जे अज्ज भारत पूरी दुनिया च खल्ला आले क्षेत्र च शक्ति बनी चुके दा ऐ। भारत नै किट्ठे 104 उपग्रहें दा प्रक्षेपण करियै रिकार्ड बनाया ऐ। अस चन्द्रमा दे दक्खनी ध्रुव पर पुज्जने आले पैहले मुख्य बनी चुके दा ऐ। भारत अज्ज इस दुनियाच सब्बने थमां मता कास्ट अफैक्टिव पर सफल स्पेस प्रोग्राम दी अगुवाई करा'रदा ऐ। दुनिया दे केई मुख्य अपने उपग्रह ते स्पेस मिशन आस्तै इसरो दी मदद लेंदे न। हुन भारत नै अपने अंतरिक्ष क्षेत्र गी नीति सेक्टर लेई बी खोली दित्ता ऐ। अज्ज मते सारे नोजवान अंतरिक्ष सेक्टर च कम्म करा'रदे न। 10 ब'रें पैहले इस क्षेत्र च छड़ी इक कंपनी ही पर अज्ज मुख्य च सवा 3 सौ थमां मते स्पेस स्टार्टअप कम्म करा'रदे न। अपने अज्ज आले संबोधन च उनें महान साईंसदान डॉ. के.कस्तुरीरगन जी हुंदी बी गल्ल कीती ते 5 दिन पैहले काल होई गेआ हा। अपने अज्ज आले कार्यक्रम च उनें एक पेड़ मां के नाम अभियान दी बी गल्ल कीती। उनें आखेआ ते साढ़े मुख्य दी सब्बने थमां बड्डी ताकत साढ़े 140 करोड़ नागरिक न। उंदा समर्थ उंदी इच्छेआ शक्ति ऐ ते जिसलै करोड़ों बद्धे लोक किट्ठे कुसै अभियान कन्नै जुड़ी

जंदे न तां ओहदा खासा असर होंदा ऐ। एहदी इक मिसाल ऐ एक पेड़ मां के नाम अभियान, एह अभियान, उस मां दे नां ऐ जिनें असेंगी जतन दित्ता ते उस छाती मां आस्तै बी जेहड़ी असेंगी अपनी गोदी च लेइयै रखदी ऐ। 5 जून गी विश्व पर्यावरण दिवस पर इस अभियान दा इक ब8रा पूरा होआ'रदा ऐ। उनें आखेआ जे अहमदाबाद शैहर च च पिछले किश ब'रें च 10 लक्ख थमां मते बूहटे लाए गे हे।

<><><><><><>

NIA Takes Over

राष्ट्रीय जांच अजेंसी एनआईए गी गृहमंत्रालय नै पहलगाम आतंकी हमले दी जांच सौंपी दित्ती ऐ। इस हमले गी आतंकवादी 22 अप्रैल गी अंजाम दित्ता हा जेहदे च 26 सैलानी मारे गे हे। एन्टिड्रग छम् टीम जांच गी तेज करी दित्ता ऐ। एनआईए आस्सेआ मौका—ए—वारदाम आली थाहरा थमां सबूत किट्ठे कीते जा'रदे न ते चश्मदीदे थमां बी पुच्छ—पड़ताल कीती जा'रदी ऐ। फॉरेंसिक माहिरें आस्सेआ बी जांच कीती जा'रदी ऐ तां जे हमलावरें गी फगड़ेआ जाई सकै ते उनेंगी सजा दित्ती जाई सकै।

<><><><><><>

LG-Special Session

उपराज्यपाल मनोज सिन्हा होरें कल 29 अप्रैल गी जम्मू कश्मीर विधानसभा दा इक दिने लेई इक विशेष इजलास सददेआ ऐ जेहड़ा पिछले दिने पहलगाम च होए दे आतंकी हमले बारे चर्चा करने लेई ऐ जेहदे च 25 सैलानी ते इक मकामी बसनीक मारेया गेआ हा, इस विशेष इजलास लेई गुजारश 23 अप्रैल गी मुख्यमंत्री उमर अब्दुल्ला हुंदी अध्यक्षता च लग्गी दी कैबिनेट दी बैठका च कीती गई ही। विधानसभा दी इस विशेष बैठका च आतंकी हमले च मारे गेदे लोकें गी श्रद्धांजलि दित्ती जाग, हमले बारे चर्चा कीती जाग ते इस सरबंधी होरने विषे पर बी गल्लबात कीती जाग। एहदे इलावा इस कायराना कारवाई दी सख्ती नै निंदेया करदे होई इक प्रस्ताह बी पास कीता जाग। विधानसभा दा एहदे शा पिछला इजलास “बजट सत्र” हा जेहड़ा 9 अप्रैल गी खत्म होआ हा।

<><><><><><>

Kulgam Terror Associates

सेना, सीआरपीएफ ते कुलगाम पुलस आस्सेआ सांझे अभियान दरान आतंकवादिएं दे 2 सहायकें गी गिरफ्तार कीता गेआ ते उंदे कब्जे थमां असला बरूद बरामद होआ ऐ। दौनें दी पंछान बिलाल अहमद भट्ट ते मोहम्मद इस्माइल भट्ट दे तौर पर होई ऐ, दवै थोकरपोरा दे रौहने आले न। तपाशी दरान असला बरूद, जेह्दे च 2 पस्तोलां, पस्तोल दे 25 रौंद, पस्तोल दियां 2 मैगजीनां उंदे कब्जे थमां बरामद होइयां। सरबंधी दफाएं तैह्ते उंदे खलाफ पुलस स्टेशन च मामला दर्ज कीता गेआ ऐ ते अगड़ी जांच कीती जा'रदी ऐ।

<><><><><><>

Ramban Traffic

रामबन जिला प्रशासन नै राष्ट्रीय जरनैली सड़क एनएच-44 दे उस हिस्से जित्थें बरखें करी होए दे नुकसान गी ठीक करने आस्तै इक आदेश जारी कीता ऐ। एह्दे तैह्ते 27 अप्रैल यानि अज्ज बडलै 8 बजे थमां 29 अप्रैल बडलै 8 बजे तगर एह्दे पर यातायात बंद रौह्ग। प्रशासन नै यात्रिएं गी सलाह दित्ती ऐ जे ओह् अपनी यात्रा एह्दे मूजब गै करन। सड़ग दी मरम्मत आला कम्म राष्ट्रीय जरनैली सड़क पर आओजाई गी सुचारू बनाने लेई कीता जा'रदा ऐ। लोड़चदे इंतजाम कीते गेदे न तां जे सड़क गी ठीक करने आले समें च कुसै बी स्थिति कन्नै निबड़ेआ जाई सकै।

<><><><><><>